

2. gr.

Gjöld fyrir raforku greiðist mánaðarlega um leið og lesið er á mæla. Sé gjald fyrir raforku eða mæli ekki greitt innan 14 daga frá gjalddaga, má rjúfa samband við veitu hlutaðeigandi notanda, þó ekki fyrr en 3 dögum eftir að skrifleg tilkynning þess efnis hefur verið birt á heimili hans.

Gjöld til rafveitunnar má taka lögtaki.

3. gr.

Með gjaldskrá þessari er numin úr gildi gjaldskrá nr. 10 frá 23. janúar 1939, fyrir notkun raforku í Bargarneskauptúni.

Gjaldskrá þessi staðfestist hér með samkvæmt lögum nr. 83 23. júní 1932, til þess að öðlast gildi 15. ágúst 1944 og birtist til eftirbreytni öllum þeim, sem hlut eiga að máli.

Félagsmálaráðuneytið, 10. ágúst 1944.

Björn Þórðarson.

Gunnl. E. Briem.

REGLUGERÐ

**um breyting á reglugerð fyrir Vestur-Húnavatnssýslu
um fjallskil o. fl., nr. 121 24. júlí 1940.**

123

12. ágúst

1. gr.

Við 2. málsgr. 13. gr. bætist: og 2 hryssur 4 vetra og eldri sem 3 hross önnur.

2. gr.

Síðasti málsliður 2. málsgr. 47. gr. reglugerðarinnar orðist þannig: en fari slíkur kostnaður fram úr niðurjöfnuðu fjallskilagjaldi, skal sá hluti hans, sem umfram er, endurgreiddur fjallskilasjóði að hálfu af eiganda fjárins.

Reglugerð þessi, sem sýslunefnd Vestur-Húnavatnssýslu hefur samið og samþykkt, staðfestist hér með samkvæmt 41. gr. sveitarstjórnarlaganna til þess að öðlast gildi þegar í stað og birtist til leiðbeiningar öllum þeim, sem hlut eiga að máli.

Atvinnu- og samgöngumálaráðuneytið, 12. ágúst 1944.

Vilhjálmur Þór.

Gunnl. E. Briem.

REGLUGERÐ

um starfssvið lögreglustjórans í Keflavík.

124

21. ágúst

Lögreglustjórinn í Keflavík hefur á hendi hreppstjórastörf í Keflavíkurbreppi og fer um starf hans að þessu leyti samkvæmt lögum og reglugerðum um störf hreppstjóra. Þó eru laun fyrir hreppstjórastörf, samkv. 1. gr. laga nr. 85 frá 1938, innifalín í launum lögreglustjórans, samkv. 3. gr. laga nr. 16 frá 1934.

Lögreglustjórinn hefur á hendi innheimtu þeirra tolla og gjalda, sem tilfalla í Keflavíkurhreppi í ríkissjóð eða aðra sjóði, ef sýslumaður hefur annast innheimtu gjaldanna eða innheimta þeirra er falin lögreglustjóranum sérstaklega með lögum eða reglugerðum.

Jafnframt skal hann vinna þau störf í sambandi við innheimtuna, sem lög eða önnur fyrirmæli ákvæða.

Til þessara starfa heyrir:

- a. Innheimta allra aðflutningsgjalda og útflutningsgjalda, leyfisgjalda, eftirlitsgjalda, og annarra opinberra gjalda af innfluttum og útfluttum vörum, og innheimta gjalda af innlendum framleiðsluvörum.
- Jafnframt þessu tollgæzla, eftirlit með ákvæðum gjaldeyrislaga og eftirlit með útflutningi vara, eftirlit með því, að öll lögboðin skilyrði séu fyrir hendi til innflutnings- og útflutningsvara og fyrirskipaðar skýrslugerðir og skýrslusafnanir í sambandi við þetta. Enn fremur eftirlit með því, að atvinnurekendur uppfylli lögboðin skilyrði fyrir því að mega stunda rekstur sinn.
- b. Innheimta allra skipakomugjalda af skipum, sem taka fyrstu höfn í umdæminu, og eftirlit með því, að öllum fyrirmælum um skipakomur og tollhafnir sé fylgt. Enn fremur innheimta annarra gjalda af skipum, sem til falla í umdæminu, svo sem vitagjalds og skoðunargjalds af skipum, sem þeir lögskrá á, og slysatryggingargjalda.
- c. Innheimta stimpilgjalds og stimplun skjala og eftirlit með þeim í umdæminu, sem ráðuneytið kynni að leyfa stimplun skjala.
- d. Innheimta aukatekna ríkissjóðs í umdæminu fyrir önnur verk en þau, sem sýslumaður umdæmisins framkvæmir.
- e. Innheimta allra manntalsbókargjalda í umdæminu, einnig þeirra, sem ekki eiga að renna í ríkissjóð, enda undirbúi lögreglustjóri innheimtuna að öllu leyti með samning manntalsbókar.
- f. Innheimta allra annarra opinberra gjalda í umdæminu, sem lögreglustjórum ber að innheimta, svo og innheimta gjalda, sem í sérstökum lögum kann að vera falin lögreglustjórum í hreppum og ekki er áður getið.
- g. Innheimtur í umdæminu, sem aðrir gjaldheimtumenn ríkissjóðs fela lögreglustjóranum.

Fyrir gjöldum þessum skal lögreglustjóri gera ríkissjóði og öðrum hlutaðeigandi skil eftir þeim reglum, sem á hverjum tíma gilda um skil opinberra gjaldheimtumanna.

Öll skil í ríkissjóð skulu gerð beint til ríkisféhirðis og skil á öðrum gjöldum til hlutaðeigandi aðila.

3. gr.

Lögreglustjórinn hefur á hendi fógetavald í Keflavíkurhreppi og fer um starf hans sem fógeta svo sem lög mæla fyrir

4. gr.

Lögreglustjórinn hefur á hendi lögreglustjórn í Keflavíkurhreppi. Þar til heyrir: Almenn lög-gæzla, umsjón með allsherjarreglu, umsjón með heilbrigðismálum, eftirlit með öryggi skipa, lögskráning sjómanna, firmaskráningar, útgáfa leyfisbréfa til atvinnureksturs, löggilding atvinnubóka, útgáfa vegabréfa, útgáfa meðlagsúrskurða, útgáfa vottorða um uppruna vöru, útnefning mats- og skoðunarmanna utan réttar, svo og önnur hliðstæð störf, allt að því leyti, sem störf þessi hafa áður heyrt undir sýslumanninn í Gullbringu- og Kjósarsýslu, svo og sams konar störf, er framvegis kunna að verða falin lögreglustjórum (sýslumönnum).

5. gr.

124

Lögreglustjórinn hefur dómsvald í lögreglumálum í Keflavíkurhreppi. Þar til heyrir: Öll meðferð almennra lögreglumála, svo og rannsókn allra annarra opinberra mála, þó þannig, að komi það í ljós við rannsókn máls, að hún gefi ótvírætt tilefni til höfðunar sakamáls, þá skal lögreglustjórinn víkja sæti og fá málið í hendur sýslumanninum í Gullbringu- og Kjósarsýslu.

21. ágúst

Auk þess fer hann með mál þau, er um ræðir í 1.—3. tölul., 3. málsgr., 5. gr. laga nr. 85 1936.

6. gr.

Lögreglustjóranum er skylt, ef hreppsnefnd óskar, að gegna störfum hreppsnefndaroddvita í Keflavíkurhreppi og fer um þau störf hans að lögum. Hann á sæti á fundum hreppsnefndar Keflavíkurhrepps og í nefndum hennar og hefur þar óbundið málfrelsi og tillögurétt, en fer eigi með atkvæði, nema hann sé einnig kosinn hreppsnefndarmaður. Lögreglustjóri stjórnar hreppsnefndarfundum.

7. gr.

Dómsmálaráðuneytið getur löggilt lögreglustjóran sem fulltrúa sýslumannsins í Gullbringu- og Kjósarsýslu til þess að framkvæma ýmis verk, sem lög nr. 79 frá 1919 heimila að falin séu fulltrúum sýslumanna og bæjarfógeta.

8. gr.

Reglugerð þessi er hér með sett samkvæmt lögum nr. 16 1934, til að öðlast gildi þegar í stað.

Í dómsmálaráðuneytinu, 21. ágúst 1944.

Einar Arnórsson.

Ragnar Bjarkan.

REGLUGERÐ

125

21. ágúst

um viðauka við reglugerð nr. 1 1938, um starfssvið lögreglustjórans í Bolungavík.

1. gr.

Aftan við 5. gr. reglugerðarinnar bætist:

Auk þess fer hann með mál þau, er um ræðir í 1.—3. tölul., 3. málsgr., 5. gr. laga nr. 85 1936.

Reglugerð þessi er hér með sett samkvæmt lögum nr. 14 1934 til að öðlast gildi þegar í stað.

Í dómsmálaráðuneytinu, 21. ágúst 1944.

Einar Arnórsson.

Ragnar Bjarkan.